

大明會典

大明會典卷之九十

禮部四十八

陵墳等祀

陵寢

宣化太子諸王公主墳園

熙祖陵。在今鳳陽府泗州城之北。洪武初號曰

祖陵

今號其山曰基運

即

祖陵望祭

德祖

懿祖二陵。設泗州祠。祭署置奉祀一員。陵戶二百九

十三戶。供灑掃。每歲冬至正旦。以三太牢。清明

中元孟冬。及每月朔望。以三少牢。本署官行禮。

仁祖陵在中都鳳陽府太平鄉。洪武初號曰

英陵。尋改

皇陵。

今號其山曰翔聖。

設皇陵衛。并祖祭署奉祀一員。祀丞

三員。置陵戶三千三百四十二戶。供直宿灑掃。

內選禮生二十四名。供祭祀執事。每歲冬至止。

旦以太牢。清明中元孟冬以少牢。俱署官行禮。

朔望以少牢。中都留守司官行禮。弘治元年。

勅內官一員監護。凡官員以公事經過者俱謁

陵○

太祖高皇帝陵曰孝陵。在南京鍾山之陽。

今號神烈山。

高皇后馬氏合葬。設神宮監孝陵衛及祠祭署。每歲聖旦正旦孟冬忌辰酒果行香清明中元冬至太牢致祭。特遣勲舊大臣一員行禮。南京各衙門文武官俱陪祭。

國有大事遣大臣祭告。

親王之國過南京者官員以公事入城者俱謁陵。出城者詣辭○

成祖文皇帝陵曰長陵在京畿之昌平縣。

今升為州初永

樂七年營山陵於昌平之黃土山。封其山曰天壽山。遂葬焉。是為

長陵。

文皇后徐氏合葬。其後
諸陵皆在

天壽山。

仁宗昭皇帝陵曰獻陵。

昭皇后張氏合葬。

宣宗章皇帝陵曰景陵。

章皇后孫氏合葬。

英宗睿皇帝陵曰裕陵。

睿皇后錢氏合葬。

孝肅皇后周氏祔葬。

憲宗純皇帝陵曰茂陵。

純皇后王氏合葬。

孝穆皇后紀氏

孝惠皇后邵氏俱祔葬。

孝宗欽皇帝陵曰泰陵。

欽皇后張氏合葬。

武宗毅皇帝陵曰康陵。

毅皇后夏氏合葬。

世宗肅皇帝陵曰永陵。

肅皇后陳氏合葬。

孝烈皇后方氏

孝恪皇后杜氏俱祔葬。初

世宗作壽宮于

長陵東南之陽翠嶺嘉靖二十七年葬

孝烈皇后。是為

永陵隆慶元年奉安

世宗皇帝梓宮。乃自

天壽山西南襖兒峪遷

肅皇后梓宮合葬。

孝恪皇后亦自金山遷祔焉。

穆宗莊皇帝陵曰昭陵。

莊皇后李氏合葬。

諸陵各設神宮監并衛及祠祭署。凡清明中元冬至
太牢致祭。遣官行禮。武衛門堂上官各一員。
屬官各一員。分詣陪。忌辰及

聖旦正旦孟冬亦遣官行。止用香燭酒果。無帛。各
衙門官不陪祭。

諸王之國詣

諸陵謁辭。嘉靖十五年三月

上躬行春祭禮。七月改。

命春以清明。秋以霜降。遣官行禮。各衙門官陪祭。其

中元冬至等節。遣官行禮。俱不陪祭。九月

上躬行秋祭禮。自

奉慈殿遷

孝肅皇后神主于

裕陵。

孝穆皇后

孝惠皇后神主于

茂陵。躬行奉慰禮。十七年二月

上躬行春祭禮。改

陵殿曰

祫恩殿。門曰

祫恩門。四月建

成祖文皇帝聖蹟亭於平臺山。率從官行祭禮。○

睿宗獻皇帝陵曰顯陵。在湖廣承天府之松林山。

今號

北德山

獻皇后蔣氏合葬。建

享殿。設神宮監顯陵衛祠祭署。置奉祀一員。以戚屬

為之。給署印。設禮生二十四名。供祭祀執事。陵

戶六十戶。供灑掃。校尉二十名。供巡視。嘉靖十八年。陞戚屬為都督僉事。給欽差。純德山掌祀。關防職專守護。始於太常寺選補奉祀及增祀。丞一員。如

七陵之制。二十七年照

長陵制。設左司樂一員。右司樂三員。俳長四名。色長十四名。教師十六名。供祀鑄給顯陵供祀教坊司印信。每歲清明霜降

二聖忌辰。遣鎮守湖廣勲臣行禮。勲臣有故。以守護奉祀官代行。奉祀官有故。則分守官代

聖旦正旦中元孟冬冬至遣守護奉祀官行禮○
恭讓章皇后陵寢在金山。祭遣內官行禮。嘉靖二十

五年。於

未央宮莊田六百五頃九十七畝。內量撥一半供

奉香火○

景皇帝陵寢在金山。

景皇后合葬。祭遣儀賓行禮。

今遣駙馬及皇親

○

憲廟廢后吳氏葬金山。祭以素羞。遣內官行禮○

世廟繼后張氏葬金山。祭以牲醴。遣內官行禮○

孝陵四十妃嬪。惟二妃葬陵之東西。餘俱從葬。

長陵十六妃俱從葬。

獻陵七妃。三葬金山。餘俱從葬。

景陵八妃。一葬金山。餘俱從葬。

裕陵以後妃無從葬者。

裕陵十八妃。一葬綿山。餘俱金山。

茂陵十四妃。一葬陵之西南。餘俱金山。

康陵一妃葬金山。

顯陵一妃葬金山。

永陵三十妃二十六嬪。惟五妃葬

天壽山之襖兒峪。餘俱金山。

昭陵諸妃葬金山。先是妃皆自為墳。

憲廟十三妃始同為一墓。嘉靖三十年以古世婦御妻皆九。宜九妃為一墓。同一享殿內作七室兩廂等各備。於是金山預造五墓。墓各九數。以次葬焉。先是從葬諸妃歲時俱享于殿內。其別葬者俱遣內官祭以牲醴。嘉靖十七年始。

命併入各

陵從祭

祔恩殿之兩傍。以紅紙牌書曰。

大明某宗皇帝第幾妃之位。祭畢焚之。隆慶六年改。

造木位。刻列名號。置各陵永遠從祀。其

世廟諸妃並遷祔。

永陵各置木位配享○

阿保諸夫人俱葬金山。惟清明霜降遣內官以牲醴祭之。其餘一用素羞○

懿文太子陵在

孝陵之左。祭如

孝陵。四孟歲暮忌辰加牲焉。

孝陵祠祭署無主之。

懷獻世子

悼恭太子俱葬金山。

哀沖太子

莊敬太子初俱葬金山。後遷襁兒峪。祔其母妃墓傍。

憲懷太子葬金山。俱祭以牲醴。遣內官行禮。惟悼恭用素羞。

哀沖莊敬。遣皇親行禮。○

蘄獻王

越靖王 貞惠妃吳氏

滕懷王

衛恭王

貞烈妃楊氏

許悼王

秀懷王

妃黃氏

忻穆王

岐惠王

妃王氏

雍靖王

妃吳氏

壽定王

妃徐氏

繼妃吳氏

汝安王

妃李氏

次妃晉氏

涇簡王

妃曹氏

申懿王

妃項氏

蔚悼王

景恭王

頴傷王

戚懷王

薊哀王

均思王

靖悼王。惟

蘄滕二王葬綿山。

雍申二王葬蘭山。餘俱金山。祭以牲醴。遣內官行

禮○

皇第八子

永清公主

長泰公主

仙遊公主

太康公主

長安公主

思柔公主

蓬萊公主

太和公主

棲霞公主。俱葬金山。祭以素羞。遣內官行禮。惟

永清用牲醴○

郢靖王

梁莊王

岳懷王

常寧長公主

善化長公主俱葬承天府遇祭

王則奉祀官行禮祭

公主則內官行禮

山陵躬祭儀

一發京先期太常寺備告

廟及祀

陵祭品如常儀翰林院撰祭告文錦衣衛設

丹陛儀衛扈行兵部奏請

簡命文武大臣居守京師請

勅行事及奏請直守

皇城四門京城九門分調提督武臣把守各山口

關隘選點扈駕軍馬奏差科道官點閘戶部關

給扈從官軍行糧工部差官修理橋梁道路光

祿寺預備

御膳酒飯供具教坊司備大樂五府及九卿衙門正

官司屬官各一員太常寺鴻臚寺堂屬官光祿
寺太僕寺卿翰林院學士并日講官國子監祭
酒順天府府尹六科官六員十三道官十三員
俱從凡在途供事以便衣朝服以吉服前期一
日

上率

后妃告于

廟至早免朝。

駕發由長安左門。

后妃輦轎由東安門出扈從官前行居守官同文武

百官俱吉服趨德勝門外候送

駕過浪。

駕至行宮。

在華城

進膳畢陞座。從官朝見。行叩頭

禮如常儀。次日早從官朝參奏事畢。鴻臚寺官

引昌平州官吏師生及公差有事官員見行五

拜三叩頭禮。朝罷從官先行至

天壽山行宮候

駕。駕發。

后妃後從。至

天壽山紅門。

上降輦由左門入。

駕至行宮。

今名感思殿

進膳畢。

上出陞座。從官行叩頭禮畢。退。次日早。從官朝參奏事如常儀。

一致祭。是日免朝。質明。

上具青袍恭詣

長陵致祭如常儀。

隆慶二年仍詣八年仍詣

永陵

永陵行禮。萬曆

遣官六員青服各詣

陵行禮。從官俱青布服恭詣

長陵陪祀。祭畢先趨赴行宮候

駕每日早朝。參奏事如常儀。

一回鑾。是日早免朝。從官先行至沙河行宮候駕。駕至。從官行叩頭禮如常儀。次日早。從官朝參奏事。畢。鴻臚寺官引昌平州官吏師生辭行禮如常儀。朝罷。從官先還。

駕由德勝門入。文武百官及軍民耆老人等俱於門外候迎。居守文武大臣伏謁。

駕前致詞。行叩頭禮。教坊司大樂鼓吹振作。

駕入告。

廟謁

皇太后禮畢。

隆慶二年發京前一日。及還京日。正議
告奉先殿。世宗几筵。北考神

殿青二還宮。越二日。

上御奉天門。文武官各具吉服致詞行禮。

山陵遣祭儀

陳設用牲醴。贊引引遣官由殿右門入。典儀唱

執事官各司其事。贊引引遣官就拜位。執事捧

香合至香案。贊引贊詣前導遣官至香案前。贊

跪贊上香。遣官三上香。訖贊復位。贊四拜。

通贊
衆官

同典儀唱奠帛。行初獻禮。執事捧帛爵各跪獻

于

御案前。訖贊跪。

通贊衆官皆跪

贊讀祝。讀訖贊俯伏興平身。

通贊衆官同

典儀唱行亞獻禮。

儀同初獻。惟不奠帛。讀祝。

唱行終

獻禮。

儀同亞獻

贊四拜。

通贊衆官同

典儀唱讀祝官捧祝

進帛官捧帛詣座位。贊禮畢

各陵祝文

清明霜降日。時維

仲春。雨。露既濡。季秋。霜。露既降。

追念

深恩不勝

休惕悵愴

謹用祭告。伏惟尚

享

中元冬至日。氣序流邁。時維

中元。冬至。追念

深恩。伏增哀感。謹用祭告。伏惟尚

享

凡祝文皆備書

謚號其文皆同。但隨

陵異稱

顯陵祝文

清明霜降日維 年 月 日

孝子皇帝御名謹遣某官敢昭告于

皇考睿宗知天守道洪德淵仁寬穆純聖恭儉敬文
獻皇帝。

皇妣慈孝貞順仁敬誠一安天誕聖獻皇后尊靈。曰

時維

仲春。雨。露既濡。瞻。王

園陵。不勝

休。惕。謹。用。祭。告。伏。祈。尚

享

中元冬至日。氣序流邁。時維

中元。冬至。追念

深恩。益增哀感。謹以牲醴庶品。用申祭告。尚

享

忌辰日。惟我

皇考

皇妣。諱日之辰。瞻望

德恩。

不勝

伏增哀感。謹用祭奠。伏惟尚

享

今稱孝曾孫
皇曾祖考妣

恭讓章皇后祝文

孝玄孫嗣皇帝御名謹遣某昭告于

恭讓誠順康穆靜慈章皇后尊靈曰日月不居。

仙遊益遠茲遇某節不勝追慕。謹用祭告。伏惟尚
享

景皇帝后祝文

姪玄孫嗣皇帝御名謹遣某官某昭告于

恭仁康定景皇帝。

貞惠安和景皇后曰節序流邁時維某節。追念親親。

良增傷感茲以牲醴用修時祭伏惟尚
享

嘉靖十五年奉

皇太后謁

陵儀

先期太常寺具酒果脯醢翰林院撰告辭。

上至

長陵行謁告禮畢奉

皇太后率

皇妃入女官奏就位行四拜禮奏上香女官捧香。

皇太后三上香。訖。奏復位跪。

皇太后跪。

皇妃皆跪。

上跪于

皇太后之左。讀辭官跪于

上後。讀訖。奏興。四拜禮畢。次詣

獻陵。

上先謁告。仍奉

皇太后謁。如前儀。次謁

景陵。同。明日。徧謁。

裕陵等四陵亦如之。

上還往西山拜

恭讓章皇后及

景皇帝后各陵寢行三獻禮。又遣官前詣

孝陵

顯陵。行祭告禮

嘉靖十八年

駕幸承天府謁

陵儀

前期太常寺陳設牲犢酒醴香燭制帛。

上具常服詣

陵由陵左門入殿左門內贊奏就位奏上香奏四拜奏奠帛行初獻禮贊讀祝奏跪讀祝官讀畢奏俯伏興平身奏行亞獻禮終獻禮如儀奏四拜焚祝帛禮畢從駕官及撫按等官俱吉服陪拜

祝文

維 年 月 日

孝子皇帝御名敢昭告于

皇考睿宗知天守道洪德淵仁寬穆純聖恭儉敬文獻皇帝尊靈曰仰惟

皇考。玄德。

帝忻。流慶小子。丕緒天位。十有八年。南瞻。

嚴寢。罔盡展祀之孝。適以陵園之事重。子躬事來此。

敬申祭告。伏惟。

聖靈歆鑒。俯納孝思。謹告。

萬曆三年。

孝烈皇后。

孝恪皇后神主遷祔。

永陵儀。

先期。

命大臣一員先詣

永陵行祭告禮。一員護送

神主至殿內侍官先于

永陵殿內會同神宮監官陳設各合用

神座几案冊寶衣冠等案。是日。

弘孝神霄二殿行奉遷禮畢。

神主輿由中門出。至午門外。錦衣衛儀衛前導。由

端門承天門長安左門俱中門出。由德勝門詣

陵。百官青衣角帶。先詣德勝關外候

神主輿至。入班行五拜三叩頭禮。輿過方退。

神主輿至紅門外。內侍官各詣

二后神主輿前跪請捧

神主出輿。由左門入。復陞輿至

永陵。由中門入。至

享殿門外。內侍官各捧入。

孝烈皇后神主奉安

世宗肅皇帝神寢之左室。

孝恪皇后神主安于右室。冊寶衣冠俱各奉安于室。

訖。遣官行安神禮。禮畢回京復

命

凡

陵寢禁例。洪武二十六年令車馬過

陵者及守陵官民入

陵者百步外下馬。違者以大不敬論。○正統二年諭

天壽山

祖宗陵寢所在。敢有剪伐樹木者。治以重罪。家屬發

邊遠充軍。仍令錦衣衛官校巡視。工部同欽天

監官環山立界。界外聽民樵采。○成化十五年。

令鳳陽

皇陵皇城并泗州

祖陵所在應禁山場地土。巡山官軍務要用心巡視。不許諸色人等伐木取土石。開窯燒造。燒山及於

皇城內外耕種牧放作踐有犯者。正犯處死家口俱發邊遠充軍。巡山官軍有科歛銀兩饋送。不行用心巡視。及守備留守等官貪圖賄賂不嚴加約束。以致下人恣肆作弊不能禁治者。一體治罪。○弘治十三年議准西山一帶密邇京師地方。內外官豪勢要之家私自開窯賣煤鑿山賣石立廠燒灰者。問罪枷號一箇月發邊衛充

軍千礙內外官員。叅奏提問。○嘉靖十二年。令錦衣衛選差百戶一員。督令原差校尉。於

純德山嚴加巡視。有偷砍樹木作踐等項。應提問。應叅奏者。照例舉行。其差委官校與軍衛有司。俱無統屬。不許濫理詞訟。囑託公事。及賣放犯。人生事擾害。故違者。聽撫按官究實。照例施行。○二十七年。令於

天壽山前後龍脉相關處所。大書禁地界石。有違禁偷砍樹木者。照例問擬斬絞等罪。若止是潛行拾柴拔草。比照家屬事例。問發遼東地方充

軍。巡山官軍妄拏平人。擾告居民者。事發一體治罪。

凡遇

陵祭。正統元年

諭。是日與百官俱淺淡服色。○成化九年奏准。

孝陵祭祀。凡南京文武大小官員有不赴者。令御史糾察。

凡分官陪祭。嘉靖中題准。除掌印正官及宿衛守衛差。占外。俱要以次長官。如無以次長官。許佐貳官。如無佐貳官者。方許首領官前去。

壽春王

妃劉氏

霍丘王

妃翟氏

下蔡王

安豐王

妃趙氏

蒙城王

妃田氏

寶應王

六安王

朱安王

都梁王

英山王

以上墳在鳳陽府西北二十五里地名白塔。設

祠祭署陵戶

南昌王 妃王氏

盱眙王 妃唐氏

臨淮王 妃劉氏

山陽王

招信王

以上墳附葬鳳陽

皇陵有司歲時祭祀皆與享其分封

諸王葬于本封之國者其子孫自主祭祀此不見列

外戚王侯墳

楊王墳在鳳陽府盱眙縣津里鎮洪武初設盱眙祠祭署置陵戶二百一十戶

徐王墳在鳳陽府宿州新豐里洪武初設宿州祠祭署置陵戶九十三戶

滁陽王墳在直隸滁州洪武初立廟墳所廟首有氏置陵戶十九戶以上皆歲時祭祀

大明會典卷之九十

大明會典卷之九十一

禮部四十九

羣祀

歷代帝王

洪武元年

命以太牢祭三皇。二年遣官致祭。以勾芒祝融風后
力牧配。六年始建帝王廟于京師。以祀三皇五
帝三王。及漢唐宋創業之君。每歲春秋致祭。後
以周文王終服事。殷唐高祖本太宗力。勿設主。
止各祀於其陵廟。而增隋文帝。七年春。塑帝王
衮冕坐像。惟義農不衮冕。是秋。

上親臨祭焉。廟同堂異室。中一室祀三皇。東一室五帝。西一室三王。又東一室漢高祖。光武。隋文帝。又西一室唐太宗。宋太祖。元世祖。凡五室十七帝。二十一年始定歷代名臣終始全節者三十七人。從祀兩廡。列為四壇。宋趙普以負太祖不忠不得預。元祀木華黎。罷安童。祀伯顏。罷阿木而太公望。以從祀。罷其故廟。及武成王號。是年帝王廟火。改建于雞鳴山之陽。罷隋文帝。而遷唐太宗與漢高光同室。凡十六帝。又定以每歲春附祭歷代帝王於

郊壇秋祭於本廟。每三年傳

制遣道士齋香帛。令有司祭於各陵寢。凡祭於陵寢之歲。則停廟祭。嘉靖九年。釐正祀典。罷

郊壇帝王附祭。十年春。為位於

文華殿祭之。十一年春。仍祭於

文華殿。夏。始建廟於都城之西。亦為五室。位次如舊。是秋。

上親臨祭。嗣後歲以春秋仲月。太常寺先期奏請遣大臣一員行禮。四員分獻。凡祭於陵寢之歲。則停秋祭。二十四年。罷元世祖及其臣五人。復遷

唐太宗與宋太祖同言。凡十五帝。從祀名臣三十二人。

洪武二十六年定遣祭儀

一齋戒。前一日。太常官宿於本司。次日具本奏致齋二日。傳

制遣官行禮

一傳

制儀。見儀制司

一省牲。

牛五。羊五。豕六。鹿一。兔八。

凡正祭前一日。獻官承

制畢。詣本壇省牲

一陳設

五室十六位

今十五位

每室

犢一

羊一

豕一

每位

登一

釶二

簋豆各十

簠簋各二

帛一

白色。禮神制帛。

共設酒尊三爵四十八

今四十五

篚五。于中室東

南。西向。祝文案一于西

東廡第一壇

風后

皋陶

龍

伯益

傳說

召公奭

召穆公虎

張良

曹參

羊一

豕一

鉶九

籩豆各四

簠簋各一

帛九

白色禮神制帛

酒盞二十七

饌盤一

篚一

第二壇

周勃

馮異

房玄齡

李靖

李晟

潘美

岳飛

木華黎

博尔忽

伯顏

今黠木華黎等三人

羊一

豕一

鉶十

今七

遶豆各四

簠簋各一

帛十

今七

酒盞三十

今二十一

饌盤一

篚一

西廡第一壇

力牧

夔

伯夷

伊尹

周公旦

太公望

方叔

蕭何

陳平

陳設與東廡第一壇同

第二壇

鄧禹

諸葛亮

杜如晦

郭子儀

曹彬

韓世忠

張浚

博尔术

赤老温

今點博尔术等二人

陳設與東廡第二壇同

一正祭典儀唱樂舞生就位執事官各司其事

贊引引獻官至盥洗所贊搢笏出笏引至拜位

贊就位典儀唱迎神協律郎舉麾奏樂樂止贊

四拜

陪祭官同

典儀唱奠帛行初獻禮奏樂執事官

各捧帛爵進于

神位前贊引贊詣

三皇神位前搢笏執事官以帛進于獻官奠訖執

事官以爵進于獻官。贊獻爵。凡三出笏。詣

五帝神位前。爵五。儀同前。詣

三王神位前。爵三。詣

漢高祖。光武。唐太宗。皇帝神位前。爵三。今遷唐太宗于西室。爵用

二。改稱詣漢高祖。詣光武。皇帝神位前。詣

宋太祖。元世祖神位前。爵二。今熙元世祖。而遷唐太宗。爵仍二。改稱詣唐太

宗。宋太祖。皇帝神位前。出笏。詣讀祝所。跪。讀祝。讀祝官取

祝。跪于獻官左。讀畢。進于

神位前。贊俯伏。興。平身復位。樂止。典儀唱行亞獻

禮。奏樂。執事官各以爵獻于

神位前樂止典儀唱行終獻禮儀同亞獻典儀唱飲福

受胙贊詣飲福位跪搯笏執事官以爵進飲福

酒執事官以胙進受胙出笏俯伏興平身復位

贊兩拜典儀唱徹饌奏樂執事官各干

神位前徹饌樂止典儀唱送神奏樂贊四拜平身

樂止典儀唱讀祝官捧祝掌祭官捧帛饌各詣

燎位樂止贊禮畢

一祝文

維洪武年歲次月朔日

皇帝謹遣具官某致祭于

太昊伏羲氏。

炎帝神農氏。

黃帝軒轅氏。

帝金天氏。

帝高陽氏。

帝高辛氏。

帝陶唐氏。

帝有虞氏。

夏禹王。

商湯王。

周武王。

漢高祖皇帝。

漢光武皇帝。

唐太宗皇帝。

宋太祖皇帝。

元世祖皇帝曰。昔者奉

天明命。相繼為君。代

天理物。撫育黔黎。彝倫攸叙。井井繩繩。至今承之。生

民多福。思不忘而報。特祀以春秋。惟

帝。号英靈。來歆來格。尚享。

一樂章

迎神

仰瞻兮

聖容想驚興兮景從降雲衢兮後先來俯鑒兮微
衷荷

聖臨兮蒼生有崇賸諸帝兮是臨予頓首兮幸蒙
真帛

秉微誠兮動

聖躬來列坐兮殿庭予今願兮效勤捧禮帛兮列
酒尊鑒予情兮欣享方旋駕兮雲程

初獻

酒行兮爵盈。喜氣兮雍雍。重荷蒙兮再瞻。再崇。
羣臣忻兮躍從。願覩穆穆兮

聖容

亞獻

酒斟兮禮明。

諸帝熙和兮悅情。百職奔走兮滿庭。陳遵豆兮數
重。亞獻兮願成

終獻

獻酒兮至終。早整雲鸞兮將還宮。予心眷戀兮

神聖欲攀留兮無蹤。躡雲衢兮緩行。得還瞻兮達九重。

徹饌

納肴羞兮領陳。烝民樂兮幸生。將何以兮崇報。維歲時兮載瞻載迎。

送神

旂幢繚繞兮導來蹤。鸞輿冉冉兮歸天宮。五雲擁兮祥風從。民歌聖祐兮樂年豐。

望燎

神機不測兮造化功。珍羞禮帛兮薦火中。望瘞庭

芳稽首願

神鑒芳寸衷

嘉靖十一年定親祭儀

先期太常寺預設牲醴香帛樂舞等如儀錦衣衛設隨朝駕設

上拜位于殿中設

御幄于景德門外之左是日早免朝

上服常服御奉天門太常寺卿跪奏請

皇上詣

帝王廟祭歷代帝王

上乘輿由長安右門出至廟門。由中門入。至幄次。降輿。具祭服出。導引官導。

上由中門中道至拜位。典儀唱樂舞生就位。執事官各司其事。內贊奏就位。

上就拜位。典儀唱迎神。樂作。樂止。內贊奏拈香。奏上香。

上三上香訖。奏出圭。復位。內贊奏兩拜興。平身。傳贊陪祀

同官典儀唱奠帛行初獻禮。樂作。內贊奏詣

神位前。執事官各捧帛爵跪進于各

神位前。樂暫止。內贊贊讀祝。奏跪。傳贊陪祀讀祝官取

祝讀訖樂作。內贊奏俯伏興平身。傳贊陪祀官同樂止。

典儀唱行亞獻禮。樂作。儀同初獻惟不讀祝樂止。典儀唱

行終獻禮。儀同亞獻樂止。太常寺卿進立于壇東。西

向。唱答福胙。內贊奏詣飲福位。奏揖主。奏跪。光

祿寺卿以福酒跪進于

上右。內贊奏飲福酒。

上飲訖。光祿寺卿以福胙跪進于

上右。內贊奏受胙。

上受訖。奏出主。俯伏興平身。奏復位。內贊奏兩拜興

平身。傳贊陪祀官同典儀唱徹饌。樂作。執事官于

各神位前徹饌訖樂止典儀唱送神樂作內贊奏

兩拜興平身

傳贊陪祭官同

樂止典儀唱讀祝官捧祝

進帛官捧帛掌祭官捧饌各詣燎位樂作內贊奏禮畢樂止導引官導

上入御幄易祭服陞輦還官

樂章

仍舊

嘉靖中更定遣官祝文

儀仍舊祝文具年月日遣官各帝稱號俱同但

去元世祖

曰仰惟

諸帝昔皆奉

天撫世。創治安民。

皇祖景慕不忘。春秋致祭。著在令甲。茲朕特建殿宇。

恭修恒祀。時維仲春。謹遣輔臣。以牲帛庶品。用

享。

列聖。予惟冲昧。敬體

皇祖追報之虔。惟

諸帝鑒臨。來格于斯。庶副予誠之至。尚享。


分獻官儀注。典儀唱分獻官陪祀官各就位。候
行初獻奠帛禮畢。唱分獻官行禮。贊引引詣東


西廡。

神位前。贊跪。贊搢笏。上香獻帛爵出笏。殿內贊跪。
分獻官跪。


各神位前。俟讀祝畢。俯伏。興。平身復位。亞終獻禮。
儀同初獻餘隨遣官行。


南京 帝王廟







帝王廟





正殿陳設


饌卓



西

日神牛

祝車




兩廡陳設

旗車



盞 酒



同游車

和風



十



第



先聖先賢廟

嘉靖九年。初祀伏羲神農黃帝堯舜禹湯文武
周公孔子。凡十一位。於

文華殿之東間。位各有主。主各有龕。伏羲至武王
南向。周公西向。孔子東向。歲以仲春秋開講前
一日。

上親致祭。每月朔。挈具酒果。

上服黃袍行禮。間遣輔臣及大臣代拜。十六年。移祀
于

永明後殿。行禮如初。其後常遣官代行。隆慶初罷。

仍于

文華殿東室行禮

一前期一日太常博士捧祝版于

文華殿。

上填御名訖捧出

一正祭日早太常寺進籩豆祝帛陳設畢候

上至行禮

一陳設

皇師伏羲氏聖位。

皇師神農氏聖位。

皇師軒轅氏聖位。

帝師陶唐氏聖位。

帝師有虞氏聖位。

王師夏禹王聖位。

王師商湯王聖位。

王師周文王聖位。

王師周武王聖位。

每位銅一

遷豆各二

禮神制帛一
色白

先聖周公之位。

先師孔子之位。

每位鉶一

遷豆二

帛一

一正祭是日。

上具皮弁服。由文華殿出。內贊對引官導。

上至拜位。奏就位。

上就御拜位。內贊導。

上至伏羲氏前。奏拈圭。奏上香訖。詣。

各神位前。俱奏上香訖。奏出圭。奏復位。

上復位。奏再拜訖。讀祝官啓祝跪。內贊奏跪。

上跪。贊讀祝訖。奏俯伏興平身。讀祝官安祝退。奏再。

拜訖。贊焚祝帛。

一退拜位之東立。捧祝帛官出門。奏禮畢。內贊對引導。

上出還宮

一祝文

維 年歲次 月 朔 日

皇帝御名謹告于

先聖諸師暨周公孔子曰。予惟復學之資。必賴

先聖遺集。以為進修。茲於明日

春秋開講學。伏惟

默運神機。覺我後學。俾誠正之功。不替庶治平之至

可臻。而聖道永有霑民之惠矣。特用真告。惟

聖師鑒焉。謹告

先師孔子

國初詔正諸神封號。惟孔子封爵特仍其舊。每歲二丁傳

制遣官祭于國學。每月朔望遣內臣降香。朔日則祭酒行釋菜禮。洪武四年。令進士釋褐詣國學行釋菜禮。十五年始

召天下儒學通祀孔子。頒釋奠儀。二十六年。頒大成樂器于天下府學。令州縣如式製造。二十九年。黜揚雄從祀。進漢董仲舒。後遇

登極皆遣官祭告闕里。又

駕幸太學行釋菜禮。永樂八年。正文廟聖賢繪塑衣冠。令合古制。十九年。北京國子監既定。其南監春祭。

命祭酒行禮。稱

皇帝謹遣。正統元年。判定從祀名爵位次。頒行天下。二年。以宋胡安國蔡沈真德秀從祀。三年。禁祀孔子釋老宮。八年。追封元吳澄為臨川郡公從祀。成化二年。封董仲舒為廣川伯。胡安國建寧伯。蔡沈崇安伯。真德秀浦城伯。弘治九年。封宋

楊時為將樂伯從祀。嘉靖九年。釐正祀典。始為
木主。題曰至聖先師孔子神位。改大成殿為先
師廟。殿門為廟門。四配稱復聖顏子。宗聖曾子。
述聖子思子。亞聖孟子之位。十哲以下。及門弟
子。皆稱先賢。其子之位。左丘明以下。稱先儒。某
子之位。申黨即申張。祀止存張。公伯寮秦冉。顏
何荀况。戴聖劉向。賈逵馬融。何休。王肅。王弼。杜
預。吳澄十三人。俱罷祀。林放。蘧伯玉。鄭衆。盧植。
鄭玄。服虔。范甯七人。各祀于其鄉。后蒼。王通。歐
陽修。胡瑗。陸九淵。增入從祀。凡遠。豆樂舞之數。

皆更定焉。其內臣降香亦罷。隆慶五年。以本朝
薛瑄從祀萬曆十二年。以本朝王守仁。陳獻章
胡居仁從祀。

洪武二十六年。釋奠儀

一齋戒

與祀帝王同

一傳

制

儀見儀制司

一省牲

牛一。今二。山十五。今止羊。豕九。今十四。
鹿一。兔五。今

一陳設

正壇

犢一

羊一

豕一

登一

鉶二

遷豆各十

簋簋各二

帛一

白色。禮神制帛

共設酒尊三。爵三。簋一。于壇東南。南向。祝文

案一于壇西

四配位

每位

羊一

豕一

登一

今去

鉶二

遷豆各十

今

簋簋各一

今二

爵三

帛一

簋一

十哲位

東五壇

豕一分五

帛一

篚一

爵三

每位

銅一

簋且各四

簠簋各一

酒盞一

西五壇

陳設同

東廡

壇五十三位。共十三壇。今四十七位。券十六

共豕一今三帛一

篚一

爵一

每壇

蓬豆各四 簋簠各一

酒盞四

西廡

五十二位。共十三壇。今四十八位。分十六壇。

陳設同

一正祭典儀唱樂舞生就位。執事官各司其事。
分獻官陪祀官各就位。贊引引獻官至盥洗所。
贊詣盥洗位。搢笏出笏。引至拜位。贊就位。典儀
唱迎神。奏樂。樂止。贊四拜。通贊陪祭官同典儀唱行初
獻禮。奏樂。執事官捧帛爵詣
各神位前。贊引導遣官贊詣

大成至聖文宣王

今稱至聖先師孔子

神位前贊搢笏參

獻帛。執事以帛進奠訖。執事以爵進贊引贊獻

爵出笏。贊詣讀祝位。樂暫止。跪。

贊衆皆跪

贊讀祝。

讀祝官取祝跪於獻官左。讀訖贊俯伏興平身。

贊詣

充國復聖公

今稱復聖顏子

神位前搢笏獻爵出笏詣

邾國宗聖公

今稱宗聖曾子

神位前。

沂國述聖公

今稱述聖子思子

神位前。

鄒國亞聖公

今稱亞聖孟子

神位前。

儀並同前

贊復位。樂止。典

儀唱行亞獻禮。奏樂。執事以爵獻于

神位前樂止。典儀唱行終獻禮。奏樂。儀同亞獻樂止。典

儀唱飲福受胙。贊詣飲福位。跪拊笏。執事以爵

進贊飲福酒。執事以胙進。贊受胙。出笏。俯伏。興

平身。復位。贊兩拜。傳贊陪祀官同典儀唱徹饌。奏樂。執

事各詣

神位前徹饌樂止。典儀唱送神。奏樂。贊引贊四拜。

傳贊陪祀官同典儀唱讀祝官捧祝。掌祭官捧帛饌。各

詣瘞位。典儀唱望瘞。奏樂。贊引贊詣望瘞位。樂

止。贊禮畢。

一祝文

維洪武年歲次月朔日

皇帝遣具官某致祭于

大成至聖文宣王

先師及四配。既定。惟今稱。并如前註。

王

今曰惟師德配

天地。道冠古今。刪述六經。垂憲萬世。謹以牲帛醴齊

粢盛庶品。祇奉舊章。式陳明薦。以

充國復聖公。

邠國宗聖公。

沂國述聖公。

鄒國亞聖公配尚享

一分獻官儀注

分獻以翰林院修撰等官二員。國子監博士等官二員。

典

儀唱分獻官陪祭官各就位。各至拜位。候讀祝訖。唱分獻官行禮。贊引贊詣盥洗所。贊搢笏。贊出笏。贊陞壇。贊詣

神位前。贊搢笏。執事以帛進于分獻官。奠訖。執事

以爵進于分獻官。獻訖。贊出笏。贊復位。

亞獻終獻同

至典儀唱望瘞各詣瘞位

一樂章

迎神

大哉

宣聖

孔聖

道德尊崇。維持王化。斯民是宗。典祀存

常。精純益隆。神其來格。於昭聖容。

奠帛

自生民來。誰底其盛。維王

今曰

神明。度越前聖。

粢帛具成。禮容斯稱。黍稷非馨。惟神之聽。

初獻

大哉聖王。

今曰

實天生德。作樂以崇。時祀無斁。

清酏惟馨。嘉牲孔碩。薦修神明。庶幾昭格。

亞獻終獻

百王宗師。生民物軌。瞻之洋洋。神其寧止。酌彼

金罍。惟清且旨。登獻于三。於嘻成禮。

徹饌

犧象在前。豆籩在列。以享以薦。既芬既潔。禮成樂備。人和神悅。祭則受福。率遵無越。

送神

有嚴學宮。四方來宗。恪恭祀事。威儀雍雍。歆格惟馨。神馭還復。明禋斯畢。咸膺百福。今定配哲。從祀牌位。

四配

復聖顏子

舊封兗國侯復聖公

宗聖魯子

舊封郕國宗聖公

述聖子思子

舊封沂國述聖公

亞聖孟子

舊封鄭國亞聖公

十哲

先賢閔子

名損。舊封費公。

先賢冉子

名雍。舊封齊公。

先賢端木子

名賜。舊封魯公。

先賢仲子

名由。舊封衛公。

先賢卜子

名商。舊封魏公。

先賢冉子

名耕。舊封野公。

先賢宰子

名子。舊封齊公。

先賢冉子

名求。舊封徐公。

先賢言子

名偃。舊封吳公。

先賢顓孫子

名師。舊封陳公。

東廡

先賢滄臺滅明舊封金鄉侯先賢原憲舊封任城侯

先賢南宮适舊封汝陽侯先賢商瞿舊封須昌侯

先賢漆雕開舊封平輿侯先賢司馬耕舊封陽侯

先賢有若舊封平陰侯先賢巫馬施舊封東阿侯

先賢顏辛舊封陽穀侯先賢曹卹舊封上蔡侯

先賢公孫龍舊封枝江侯先賢秦商舊封馮翊侯

先賢顏高舊封靈澤侯先賢壤駟赤舊封上邽侯

先賢石作蜀舊封成紀侯先賢公夏首舊封平鄉侯

先賢后處舊封膠東侯先賢奚容蒧舊封濟陽侯

先賢顏祖舊封富陽侯先賢句井疆舊封陞陽侯

先賢秦祖

舊封

懷成侯

先賢縣成

舊封

武臨侯

先賢公祖句茲

舊封

先賢燕伋

舊封

沂源侯

先賢樂欬

舊封

建成侯

先賢狄黑

舊封

休憲侯

先賢孔忠

舊封

鄆城侯

先賢公西蒧

舊封

徐城侯

先賢顏之僕

舊封

宛句侯

先賢施之常

舊封

臨濞侯

先賢秦非

舊封

華亭侯

先賢申枏

舊封

文登侯

先賢顏澮

舊封

濟陰侯

先儒穀梁赤

舊封

睢陽侯

先儒高堂生

舊封

萊蕪伯

先儒毛萇

舊封

樂壽伯

先儒后芬

先儒杜子春

舊封

緱氏伯

先儒韓愈

舊封

昌黎伯

先儒程顥

舊封

豫國公

先儒邵雍舊封新安伯先儒司馬光舊封溫國公

先儒胡安國舊封建寧伯先儒楊時舊封將樂伯

先儒張栻舊封華陽伯先儒陸九淵

先儒許衡舊封魏國公

舊有堂邑侯。顏何。蘭陵伯。荀况。彭城伯。劉向。司空王肅。司徒杜預。今縣。中牟伯。鄭衆。良鄉伯。盧植。祭陽伯。服虔。今改祀於鄉。水侯。曹點。泗水侯。孔鯉。改入啓聖祠。從祀。

西廡

先賢宓不齊舊封單父侯先賢公冶長舊封高密侯

先賢公皙哀舊封北海侯先賢高柴舊封共城侯

先賢樊須舊封益都侯先賢公西赤舊封鉅野侯

先賢梁鱣

舊封千乘侯

先賢冉孺

舊封臨沂侯

先賢伯虔

舊封沐陽侯

先賢冉季

舊封諸城侯

先賢漆雕徒父

舊封高宛侯

先賢漆雕哆

舊封滌陽侯

先賢商澤

舊封鄒平侯

先賢任不齊

舊封富陽侯

先賢公良孺

舊封牟平侯

先賢公肩定

舊封萊父侯

先賢鄒單

舊封聊城侯

先賢罕父黑

舊封祈鄉侯

先賢榮旂

舊封厭次侯

先賢左人郢

舊封南華侯

先賢鄭國

舊封朐山侯

先賢原亢

舊封樂平侯

先賢廉潔

舊封胙城侯

先賢叔仲會

舊封博平侯

先賢公西與如

舊封臨朐侯

先賢邾巽

舊封高唐侯

先賢陳亢

舊封南頓侯

先賢琴張

舊封陽平侯

先賢步叔乘

舊封博昌侯

先儒左丘明

舊封中都伯

先儒公羊高

舊封臨淄伯

先儒伏勝

舊封乘氏伯

先儒孔安國

舊封曲阜伯

先儒董仲舒

舊封廣川伯

先儒王通

先儒周敦頤

舊封道國公

先儒歐陽修

先儒張載

舊封郿伯

先儒程頤

舊封洛國公

先儒胡瑗

先儒朱熹

舊封徽國公

先儒呂祖謙

舊封開封伯

先儒蔡沈

舊封崇安伯

先儒真德秀

舊封浦城伯

先儒薛瑄

先儒王守仁

先儒陳獻章

先儒胡居仁

舊有壽張侯公伯寮。新息侯秦冉。考城伯戴聖。岐陽伯賈達。扶風伯馬融。任城伯何休。偃師伯王弼。今黜。內黃侯遽。伯王。長山侯林放。高密侯鄭玄。新野伯范甯。臨川郡公吳澄。今改祀於鄉。曲阜侯顏無繇。改入啓聖祠。從祀涵川侯申黨。即申張。今革存根。

凡祭期。洪武元年。定以仲春秋上丁日降香遣官祭孔子于國學。○七年。仲春上丁日食。改用次丁。○成化二十二年二月朔。當釋菜。值上丁。令以次日釋菜。

凡祭器。禮物。樂舞。洪武四年更定。各置高案。邊

豆簠簋登鉶。悉用莞器。牲用熟。樂舞生。擇監生及文武大臣子弟在學者。預教習之。今用太常樂舞生

○正統三年。令祭丁品物非其土產者。鹿以羊代。榛棗以所產果品代。○景泰六年。奏准。以兩廡祭品儉薄。增豕四隻。棗栗各五十斤。黍稷各一斗。形鹽五十斤。南京國子監一體增設。○成化十二年。增樂舞為八佾。籩豆各十二。○嘉靖九年。令南京國子監祭用十籩十豆。天下府州縣學。八籩八豆。樂舞各止六佾。凡六品以下官不陪祭者。先一日赴廟瞻拜。

月朔釋菜儀

其日清晨執事者各司其事。分獻官各官分列于大成門內。監生排班。俟獻官至。通贊唱排班。獻官以下各就位。通贊唱班齊鞠躬拜興。拜興平身。引贊詣獻官前。唱詣盥洗所。獻官盥手。悅手訖。引贊唱詣酒尊所。司尊者舉爵酌酒訖。引贊唱詣

至聖先師孔子神位前。跪獻爵。俯伏興平身。

執事者行

事並司

引贊唱詣

復聖顏子神位前。

宗聖曾子神位前。

述聖子思子神位前。

亞聖孟子神位前。

儀並同

十哲兩廡分獻官一同行

禮畢。引贊同唱復位。引贊導獻官分獻官至原
拜位立。通贊唱鞠躬拜興拜興平身。禮畢。

正壇

饌卓

豆

豆

豆

豆

黍

形

黍

榛

脯

豆

魚

果

豆

餅

天

餅



豆

羊

豆

豆

司尊卓

豆

豆

豆

和

稻

豆

豆

豆

豆

果

豆

豆

豆

豆

豆

豕

豕

豕


豕


視卓

四排

卷九十一

四配







會典卷九十一

三

十哲陳設



兩廡陳設



小中四

啓聖祠祭儀

嘉靖九年。令兩京國子監并天下學校各建啓聖公祠。中祀叔梁紇。題稱啓聖公孔氏之位。以顏無繇曾點孔鯉孟孫氏配。俱稱先賢某氏之位。程珦朱松蔡元定從祀。俱稱先儒某氏之位。每歲仲春秋上丁日。遣國子監祭酒行禮。南監司業行禮。

一陳設

正位

羊一

豕一

遷豆各八

簠簋各二 鉶二 爵三 帛一

篚一

東配

豕一 爵三 帛一 篚一

每位

簠簋各一 遵豆各四

西配

同

東西從祀

同

一正祭。是日三更贊引導遣官至盥洗所。擗笏出笏。典儀唱執事官各司其事。遣官就位。迎神。

四拜

兩廡分獻官同

典儀唱奠帛行初獻禮遣官由

廟左門入贊詣

啓聖公孔氏神位前搢笏獻爵出笏詣讀祝位跪

讀訖俯伏興平身

兩廡分獻官同

贊詣

先賢顏氏神位前獻帛獻爵詣

先賢曾氏

先賢孔氏

先賢孟孫氏各神位前

儀此同前兩廡分獻官同

獻帛爵訖復

位典儀唱行亞獻禮終獻禮

儀同初獻

典儀唱徹饌

訖唱送神四拜

兩廡分獻官同

典儀唱讀祝官捧祝掌

祭官捧帛饌各詣座位唱望座捧祝帛饌官至
座所贊引贊詣望座位贊禮畢

一祝文

維 年 月 日

皇帝遣具官某致祭于

啓聖公孔氏曰惟

公誕生至聖為萬世王者之師功德顯著茲因仲

春特用遣祭以

先賢顏氏

曾氏

孔氏。

孟孫氏配尚享

大明會典卷之九十一